

赤水玄珠第六卷目錄

吐酸門

論吐酸屬熱

論雜病吐酸

與病机外邪不同

辨素問東垣

論酸不同

停飲

痰飲門

怔忡驚悸門

心澹澹動門

怒門

善太息

善恐

善悲

附婦人妊娠善悲

赤水玄珠第六卷

新安生生子孫一奎著輯

吐酸門

論吐酸屬熱

內經曰諸嘔吐酸皆屬於熱又云少陽之勝嘔酸夫酸者肝木之味也內火勝制金不能平木木自甚故爲酸也如飲食熱則易于酸矣是以肝熱則口酸或言爲寒者但謂傷生冷硬物而喜噫醋吞酸故俗主于和脾胃豈知人之傷于寒也則爲病熱蓋寒傷皮毛則腠理閉密陽氣怫鬱而爲熱故傷寒熱在表以麻黃湯發散使腠理開通汗泄熱退而愈也凡內傷冷物者或積陰勝陽

而爲病寒或寒熱相搏而致腸胃陽氣怫鬱而爲熱亦有內傷冷物而反病熱得汗泄身涼而愈也或微而止爲中酸俗謂之醋心法宜溫藥散之亦猶解表之義若久喜酸不已則不宜溫之宜以寒藥下之後以涼藥調之結散熱去則氣和也所以中酸不宜食粘滑油膩者謂能令氣鬱不通暢也宜糲食菜蔬使氣通利則酸自不作矣

論雜病吐酸與病機外邪不同

發明云病機吐酸皆屬於熱此上焦受外來客邪也胃氣不受外邪故嘔仲景以生姜半夏治之以雜病論之嘔吐酸水者甚則酸水浸其心不任其苦其次則吐出酸

水令上下牙酸澁不能相對以大辛熱藥療之必減吐酸是吐出酸水也酸味者收氣也西方肺金旺也寒水乃金之子子能令母實故用大鹹熱之劑瀉其子以辛熱爲之佐而瀉肺之實以病機作熱攻之悞矣蓋雜病醋心濁氣不降欲爲中滿寒藥豈能治之乎

辯素問東垣論酸不同

丹溪云或曰吐酸素問明以爲熱東垣又言爲寒何也子曰吐酸與吞酸不同吐酸是吐出酸水如醋平時津液隨上升之氣鬱積而成鬱積之久濕中生熱故從火化遂作酸味非熱而何其有鬱積之久不能自湧而出伏于肺胃之間咯不得上嚥不得下肌表得風寒則內熱

愈鬱而酸味刺心。肌表溫煖，腠理開發，或得香熱湯丸，津液得行，亦可暫解。非寒而何？素問言熱者言其本也。東垣言寒者言其末也。但東垣不言外得風寒而作收氣立說，欲瀉金之實，又謂寒藥不可治酸，而用安胃湯加減二陳湯，俱犯丁香，且無治鬱結濕熱之法。爲未合經意。予常治吞酸，用黃連、茱萸各炒，隨時合迭，其佐使蒼朮、茯苓爲輔，佐湯浸，炊餅爲小丸，吞之，仍教糲食蔬菜，自養則病易安。

劉宗厚曰：謹按吐酸一證，以病機言之，則屬干熱以臟腑論之，則脾胃受病以內邪言之，則痰飲宿食之所爲。故治法熱者寒之，脾惡濕以苦燥之，有痰飲者清之，分利

之有宿食者消之導之驅逐之局方不察斯故以噫醋
吞酸醋心吐酸水之證並入于氣門中率用溫熱之藥
豈吐酸可主于寒而無他證也故此一門以敘河間東
垣丹溪之論其病源治法無餘蘊矣

停飲門

許學士云
余苦有二疾

一下血二膈中停飲下血有時而

止停飲則無時始因年少時夜坐作文左向伏几案是
以飲食多墜左邊半夜以後稍困乏必飲酒二三盞仍
回左邊側睡壯盛時殊不覺病三五年後覺酒止從左
邊下漉漉有聲脇痛飲食減十數日必嘔數升酸水暑
月止是右體有汗熱常潤左邊痛處絕燥遍訪名醫
及海上方服之少驗間或中病止得月餘復作其補如

天雄附子礬石其利如牽牛甘遂大戟備嘗之矣予揣
度之已成癖囊如潦水之有科白不盈不行必盈科而
行也清者可行濁者依前停蓄蓋下無路以出之也是
以積之五七日必嘔而出稍寬數日復作脾土惡濕而
水則流濕莫若燥脾以勝濕崇土以填科白則疾當去
矣于是悉屏諸藥止服蒼朮三月而除自此後不復發
嘔胸膈寬飲啖如故暑月汗周體而身涼飲亦從中下
前此飲漬其肝目亦多昏眩其後燈下能書細字皆蒼
朮之力也故名其方曰神朮丸其蒼朮一觔去皮切末
用之白芝蔴半兩水二盞研濾取汁大棗十五枚煮爛
去皮核研以蔴汁成稀膏和入搜白杵熟丸如梧子大

每日空心白湯吞五七十九一日服二三次忌桃李雀
鴿初服時膈間必微燥且以蒼朮製之覺燥甚再進山
枝子散一服久之自不燥也予服半年以後止用燥烈
味極辛者削去皮不浸極有力亦自然不燥山梔散用
山梔一味乾之爲末沸湯點服故知久坐不可伏向一
邊時宜運動亦調息之法

脉經云胃脉虛主胃中冷苦吞酸頭痛寸口脉遲上焦有
寒心痛喉酸吐酸水宜服附子湯生姜湯茱萸丸關脉
沉心下有冷氣痞滿吞酸 據此亦有胃冷吞酸者

張子和治張風村一田叟嘔酸水十餘年乃留飲証也醫
皆以燥劑治之不効更以艾火燔針刺之中脘臍疔瘡

未嘗合予以苦劑越之出其涎如膠者二三升談笑而愈

噫腐噯酸或每晨吐酸水數口或膈間常如酸蜚皆飲食

傷胃所致平胃散加神曲麥芽

茯苓半夏

口吐清水乃胃中濕熱所爲宜平胃散加白朮茯苓滑石

半夏不宜純用涼藥亦有胃寒而然者理中湯主之

食鬱有痰二陳加南星黃芩香附之類治酸必用吳茱

萸者乃順其性而折之

戴元禮云濕熱在胃口上飲食入胃被濕熱鬱遏其食不得傳化故作酸也如穀肉在器則易酸也

治寒酸溫胃之劑

東垣藿香安胃散

治脾胃虛弱不進飲食嘔吐不待腐

熟 藿香 丁香

人參 各二錢半 陳皮 五錢

右為末每服二錢生姜湯下

加減二陳湯

治痰飲為患嘔吐頭眩心悸或因食生冷

脾胃不和

丁香 一兩 半夏 一兩

陳皮 各五兩

茯苓 三兩 甘草 兩半

每服五六錢入生姜煎服

三因麴朮丸

治中脘宿食留飲酸蜚心痛口吐清水

神麴 炒三兩

蒼朮 米泔浸三宿洗淨晒乾炒一兩五錢

陳皮 一兩 一方有砂仁

一兩 右為末生姜汁打神麴糊為丸姜湯下

加味平胃散

治吞酸食鬱所致

平胃散加炒神麴麥芽姜朮煎服

治吞酸因傷冷物所致 治食後吐酸水同

乾姜炒二兩 吳茱萸炒二兩 為末酒服方寸匕一日二服

治噫酢咽方 吳茱萸半斤 生姜三兩 人參二兩 棗十二枚

水六升煮二升分三次食前服

治吐酸清水方 蒼朮陳壁土炒 白朮 茯苓 滑石 陳皮

各等分 水煎服

聖惠方乾姜丸 治酒癖停飲吐酸水

乾姜 葛根 枳殼 橘紅 前胡各五錢 白朮 半夏

麴各一兩 吳茱萸 甘草各二錢半

右為末煉蜜丸桐子大每五十九丸米飲下

三生丸 治中風痰涎眩暝嘔吐酸水頭疼惡心

半夏二兩 南星 白附子各一兩

右並生為末滴水丸梧子大以生麵裹為衣陰乾每服十九丸至二十九丸生姜湯下

治熱之劑

丹溪方 一方加炒山梔仁三錢

吳茱萸去枝梗 炒乾 陳皮 黃芩陳土炒 各五錢 黃連陳土炒 一兩 蒼朮

七錢 半 一方有桔梗茯苓各一兩

右末神麩糊丸菜苳大每服一錢半白湯下

黃連清化丸

黃連一兩 吳茱萸一錢 桃仁廿四枚 陳皮五錢 半夏一兩 半

右為末神麩糊丸菜苳大每服百丸姜湯下

參朮丸 治濕而帶氣者濕熱甚者用之為向導上可治

吞酸下可治自痢

六一散料一 吳茱萸一兩 為末飯丸

丹溪又云噫氣吞酸此係食鬱有熱火氣冲上黃芩為君

南星半夏陳皮為佐熱加青黛

解表之劑

丹溪治一人因外感涼氣與宿食相搏心下酸戚嘔清水

後有紅 青皮 枳殼 紫蘇 木通 甘草各二錢

黃芩 桔梗各一錢半 人參二錢 麻黃五分

加姜水煎服

寬中攻下之劑

透膈湯 治脾胃不和中脘氣滯胸膈滿悶噎塞不通噫

氣吞酸脇肋刺脹嘔逆痰涎飲食不下

木香 砂仁 檳榔 枳殼 厚樸 白荳仁 半夏

青皮 陳皮 甘草 大黃 樸硝

各等分每服一兩生姜三片枣一枚煎至一盞熱服

痰飲 膠固稠粘者痰也清而稀薄者飲也

痰飲為病所感不同有因氣脉鬱塞而得之者有因脾胃

虛弱不能運行水穀而得之者有因痛飲飽食停滯胃

中而得之者有因風寒暑濕之氣入脾相搏而成之者

有因七情失節藏氣不行鬱而成之者所感不同病變

甚多或為喘為欬為嘔為泄眩暈嘈煩悸忪愞寒熱

疼痛腫滿攣痺癰閉痞膈如風如癩皆痰飲之所致也
飲有六曰懸飲溢飲支飲痰飲留飲伏飲懸飲者飲水
流于脇咳嗽引痛溢飲者飲水流于四肢當汗不汗身
體疼重支飲欬逆倚息短氣不得卧其形如腫痰飲者
其人素盛今瘦腸間漉漉有聲留飲者其人背寒如手
大或短氣而渴四肢歷節痛脇下痛引缺盆欬嗽則轉
甚伏飲者膈滿喘欬嘔吐發則寒熱腰背痛目疾出其
人振振惡寒身暈惕

東垣謂痰飲皆濕熱相乘如濕在經爲熱痰結而爲膠

其色紅濕在肝經爲風痰其色青如沫濕在脾經爲濕
痰濕久爲熱其色黃濕在肺經爲氣痰其色白咯出如

米粒濕在腎經爲寒痰其色如唾

王隱君云痰清白者爲寒黃濁者爲熱熱鬱之甚或至帶血血敗則黑口吐血者不治白血者桃花色也

子和云入肺則多嗽入大腸則爲泄入腎則爲湧水水在上則面浮在下則肘腫在中則爲痞膈痰逆

人之停飲留于胃脘皆由胃氣虛弱飲水飲酒不能傳化結爲痰飲行疾而漉漉有聲者自有癖囊在胃內飲水則滲入停蓄于其間其狀若胞囊不可速去然亦不能爲速害若見變証百端在上焦須以瓜蒂散吐之在胃脘宜十棗湯下之然後以溫藥溫胃氣丁香茯苓半夏以蕩散水飲仍宜丁香半夏湯以拔其根

熱痰則多煩熱風痰多成癱瘓奇症冷痰多成骨痺濕痰
多成倦怠軟弱驚痰多成心痛癩疾飲痰多脇痛臂痛
食積痰多成癖塊痞滿

或心下如停冰雪心氣冷痛或脊上每日一條如線之冷
起或渾身習習如蟲行或胃腹間如有二氣之交紐又
或如烟火上衝頭目烘熱或風毒脚氣或嘔冷涎綠水
黑汁甚爲癆瘵肺癰腸毒種種不一皆痰飲之所爲也
嚴氏云人之氣道貴乎順順則津液流通決無痰飲之患
自潤下從小便中出矣又有病人元有痰積其氣因痰
而結滯者則又必先逐去痰結滯氣自行豈可執一

王隱君云津液既凝爲痰不復周潤三焦故口燥咽乾大